

Rapport dalla seduta dil cussegl da vischnaunca dils 12 da zercladur 2018 a Danis

Beinvegni ed avertura

Il president dil cussegl, Maurus Tomaschett, fa a tuts presents in cordial beinvegni alla seduta da questa sera.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Damai ch'ei vegn buca fatg diever da tala ei la gliesta per la seduta da questa sera ligionta.

1. Approbaziun dil protocol dalla seduta dil cussegl dils 11 d'avrel 2018

Il protocol ei vegnius tarmess allas cusseglieras ed a tuts cussegliers. Il president dil cussegl suttametta el alla discussiun. Da tala vegn buca fatg diever. Il protocol vegn approbaus unanim.

2. Approbaziun quen annual 2017 ASA Sablun

Clau Schlosser presenta il quen annual 2017 e menziunescha ils puncts principals. Ils cuosts totals muntan a frs. 206'287.03. La repartiziun dils cuost per il 2017 muntan per Andiastr frs. 41'298.66 e per Vuorz frs. 85'959.81. Ils cuost restonts vegnan surpri dalla vischnaunca da Ilanz/Glion.

La discussiun vegn dada libra. Sin las damondas sa vegnir dau risposta. Cun tscharna unanima approbescha il cussegl il quen annual 2017 dalla ASA Sablun.

3. Presentaziun quen annual 2017 Vuorz

Il quen annual 2017 da Vuorz ei vegnius repartius ensemen cun l'invitaziun a tut ils commembers dil cussegl, aschia che tuts han giu la pusseivladad da studegiar tal. Il president communal, Clau Schlosser repassa il quen e menziunescha entginas posiziuns.

Sin las damondas tschentadas sa vegnir dau risposta. Ils cussegliers e las cusseglieras fan neginas objecziuns e neginas propostas per midadas.

4. Presentaziun quen annual 2017 Andiastr

Il quen annual 2017 d'Andiastr ei vegnius repartius ensemen cun l'invitaziun a tut ils commembers dil cussegl, aschia che tuts han giu la pusseivladad da studegiar tal. Il president communal, Clau Schlosser repassa il quen e menziunescha entginas posiziuns.

Sin las damondas tschentadas sa vegnir dau risposta. Ils cussegliers e las cusseglieras fan neginas objecziuns e neginas propostas per midadas.

5. Presentaziun quen annual 2017 Breil

Il quen annual 2017 da Breil ei vegnius repartius ensemen cun l'invitaziun a tut ils commembers dil cussegl, aschia che tuts han giu la pusseivladad da studegiar tal. Il president communal, Clau Schlosser repassa il quen annual sco era il quen dalla meglieraziun Breil-vitg e menziunescha enqual midada visavi il preventiv.

Sin las damondas tschentadas sa vegniu dau risposta. Las cusseglieras ed ils cussegliers fan neginas objecziuns e neginas propostas per midadas.

6. Rapport da revisiun ed apporbaziun dils quens annuals B/V/A 2017

Vic Desax, president dalla cumissiun da quen e gestiun, rapporta sur dalla revisiun prida avon maun e menziunescha il fatg che tuts treis quens ein sco emprem vegni revidi digl uffeci da vischnauncas. La cumissiun ei fetg satisfatga dalla buna lavur dalla suprasatnza communal e dall'administraziun. Ils quens seigien vegni presentai al cussegl en tut ils detagls, aschia che la cumissiun stoppi buca commentar tal. Ins hagi controllau tut las spartas dil menaschi da vischnaunca e saviu constatar che la contabilitad ei menada conform ils principis mercantils. En cass da damondas hagi la cumissiun survegniu in detagliu e clar sclariment.

La cumissiun propona d'approbar tut ils treis quens annuals 2017 e dar scarica alla suprastnza sco era a tuts emploiai. Vic Desax engrazia alla suprastnza, all'administraziun, als emploiai ed a tuts funcziunaris per la buna lavur prestada el decuors digl onn vargau.

Las cusseglieras ed ils cussegliers fan negin diever dalla discussiun. Per consequenza vegnan ils quens annulas da Breil, Vuorz e Andiastr dil 2017 sco era il quen dalla meglieraziun Breil-vitg suttamess alla votaziun. Cun tscharna unanima approbescha il cussegl ils quens annuals cun dar scarica a tuts funcziunaris.

Il quen vegn repartius en tut las casadas. Convischinas e convischins che ein buca cuntenents cun l'approbaziun dil quen ni cul quen sco tal, san far diever dil referendum facultativ tenor constituiun communal.

7. Damonda da credit: sanaziun Via S. Clau Andiastr (frs. 450'000.00)

L'anteriura vischnaunca d'Andiastr haveva gia schau far in project per la sanaziun dalla via S. Clau. El process dil preventiv eran aunc buca tut ils cuosts enconuschents, aschia che la suprastnza ha tractau quella fatschenta per uonn. Clau menziunescha il calcul da cuosts da Cavigelli Ing. AG che munta a frs. 420'000.00. La suprastnza damonda denton in credit da frs. 450'000.00 per la sanaziun dalla via S. Clau.

La discussiun vegn dada libra. Sin las damondas tschentadas sa vegnir rispundiu. Cun tscharna unanima decida il cussegl da conceder il credit da frs. 450'000.00 per la sanaziun dalla via S. Clau ad Andiastr. Quei credit ei vegnius concedius cun la resalva dil referendum facultativ tenor art. 21 dalla constituiun.

8. Varia

Luzi Pfister fa la damonda alla suprastnza co ei stetti cun la via da colligiazion denter Vuorz e Breil.

Clau Schlosser sa informar sco suonda:

Ils mulins dils uffecis cantunals molan plaunsiu, era nus havessan giu bugen che ei mondi pli spert. Sco ils responsabels dalla Meglieraziun han informau, duess il project vegnir publicaus el decuors digl atun 2018.

Il cussegl ei dil meini ch'ei duessi era vegni montau bandieras vid las cazzolas a Vuorz e Andiastr. La suprastnza sclarescha giu ils cuosts e sch'igl ei insumma pusseivel da montar talas bandieras.

Mengia Risch informescha il cussegl, ch'ei vegni rimnau suttascripziuns ad Andiastr pertuccond arver la scoletta a Vuorz ton pli spert. Clau Schlosser sa informar il cussegl che la suprastnza hagi informau tut ils geniturs pertuccai, ch'ina avertura dalla scoletta

vegna aviarta per cu la via da colligaziun seigi finida. Quei passus ei el contract da fusiun ed ei ligionts, cheu san era sutscrizziuns midar nuot.

Clau Schlosser informescha il cussegl sur dil stan actual dils uffecis funsils. Els seigien ussa prompts da prender si contractivas da fusiun. Sch'ei duess denton tuttina buca funziunar cun la fusiun, vegn la suprastanza a stuer decider en tgei direcziun.

Il provediment d'aua d'Andiast ei vegnius susteniuns en connex cun la fusiun. Avon che far pli grondas investiziuns vegn schau far in project dil provediment d'aua sur l'entira vischnaunca da Breil. La suprastanza vegn proximamein a surdar las lavurs da projectar.

Luzi Pfister gratulescha al niev elegiu deputau Maurus Tomaschett ed a siu suppleant Sievi Sgier per l'elecziun el niev circuit electoral Rueun, al qual sulettamein la vischnaunca da Breil fa part.

Maurus engrazia alla suprastanza per la buna lavur da preparaziun dallas fatschentas. Vinavon engrazia el als cussegliers per la presenza e la partizipaziun e giavischa in bien return a casa. El siara la seduta dallas 21:40 uras.

Breil, ils 13 da zercladur 2018

Il president

Maurus Tomaschett

Igl actuar

Carlin Cadonaa